

EUSKAL PRESOK. Auzitegi Nazionalean apelazio saioa egin zuten atzo

Epaileak gaur erabakiko du Narbarteren kartzelatzeaz

Asteartean espetxeratu zuten, apelazio helegitea aztertu aurretik

Erredakzioa | DONOSTIA

Espainiako Auzitegi Nazionaleko Zigor Arloko Hirugarren Atalak gaur erabakiko du Kepa Narbarte euskal presoak kartzelan jarraituko duen edo ez. Narbarte asteartean atxilotu zuen Ertzaintzak, Bermeon. Baldintzapeko askatasunean zegoen Ruth Alonso Bilboko Espetxe Zaintzako epailearen aginduz, zigorraren hiru laurdenak beteta dituelako. Fiskalak, baina, apelazio helegitea jarri zuen baldintzapeko askatasunaren kontra. Helegite hori aztertu baino bi egun lehenago atxilotu zuten Narbarte.

Zigor Arloko Hirugarren Atalan saio bat egin zen atzo Narbarteren askatasunaren kontrako apelazio helegitea aztertze-ko. Pedro Rubira fiskalak Espetxe Zaintzako epailearen erabakia indargabetzeko eskatu

ERREGUZKO HELEGITEA

Abokatuak erreguzko helegitea jarri du, apelazio helegitea aztertu baino lehenago espetxeratu dutelako

zuen. Epaile horri hirugarren gradua ematea ez zegokiola argudiatu zuen fiskalak. Gainera, esan zuen Narbarteren jarrera ez zela ona izan aurretik espetxean izan zenean eta ETako kidea zela. Abokatuak, baina, gogorarazi zion ETako laguntzaile izateagatik zigortu zutela.

Defentsarako eskubidea urratu dela dio abokatuak

Abokatuak Narbarte baldintzapean aske uzteko eskatu zuen. Presoari espetxean ezarri zi-

tzaizkion isunak arinak zirela eta inoiz ez ziotela horregatik kartzela onurarik atzera bota esan zuen abokatuak. Defentsarako eskubidea urratu dela eta prozeduran akatsak izan direla argudiatu zuen.

Bestalde, erreguzko helegitea jarri zuten atzo Auzitegi Nazionaleko Zigor Arloko Atalean. Espediente Auzitegi horretara heldu zenetik eginiko guztia baliogabetzeko eskatu zuen. Auzitegiak Espetxe Zaintzako epailearen erabakia bertan behera utzi eta helegitea aztertu baino lehenago kartzelatu izatea aipatu zuen, besteak beste. Horretaz gain, Prozedura Kriminaleko Legearen 504. artikulua baitan kartzelatu zutela eta artikulua hori ez dagokiola baldintzapeko askatasunari oroitarazi zuen, eta guztia abokatuak jakinaren gainean jarri gabe egin nahi izan zutela.

ESPETXE POLITIKA. Bi bokal legearen atzeraeraginaren kontra agertu dira

Legea indarrean jarri aurretik zigortutakoei zigorrak osorik betearaztea babestu du CGPJk

Agentziak | MADRID

Euskal presoek zigorrak gogortzeko lege aurreproiektuari babesa eman zion atzo Botere Judizialaren Kontseilu Nagusiko (CGPJ) Ikerketa Batzordeak, aldekoko hiru boto eta kontrako biren. Batzordeko bost kideak bat etorri ziren txostenaren puntu ia denetan; legearen atzeraeragina izan zen desadostasun bakarra, eta horregatik bozkatu zuten kontra PSOEk proposatutako bi bokalek.


Legea indarrean jarri aurretik epaituei euren zigorrak osorik betearaztea onartu zuen CGPJk. Hilaren 4ko plenoan aztertuko dute berriro, behin betiko testua PPren gobernuari bidaltzeko. «Terrorismo delituekin» lotuta zigorrak 30 urtetik 40ra igotzea «konstituzionala» dela dio txostenak, eta ez dela tratu bidegabea. Bi aldeketa nagusi proposatzen ditu: «ETAren kontra aktiboki kolaboratzea» presoak bergizarteratzeko baldintzen artetik kentzea, eta bal-

dintzapeko askatasuna lortzeko biktimei eman beharreko kalteordainak arintzea, presoek dirurik ez dutenean. Kartzela onurak zigor osoaren arabera aplikatzea ere gaitzesten du.

Jose Maria Michavila Espainiako Justizia ministroa pozik agertu zen. «Aholkuak» aztertze-ko prest daudela esan ostean, «kolaborazio aktiboa» beharrezkoa dela adierazi zuen.

Behin-behineko askatasuna mugatzeko lege egitasmoari buruzko txostena, berriz, atzera bota zuten, kontrako hiru botoekin. PSOEk proposatu bokal batek egin txostenak gogor kritikatzaren egitasmoa. Beste ponente bat izendatu zuten atzo, bigarren testu bat egiteko.

LABURAREN

TXEMA FERNANDEZ / EFE
Iñaki Azkuna

«Gai deserosoak eztabaidatu nahi ez izatea» egotzi diote Azkunari PSE-EEK eta PPk

PPk eta PSE-EEK «koldarke-ria» egotzi zioten atzo Iñaki Azkuna Bilboko alkateari eta bere udal taldeari. PPk eta PSE-EEK Bilboko Sozialista Abertzaleak taldea desgiteko proposamena eraman zuten atzoko osoko bilkura-ra. Baina, gai hori eztabaidatzear zela EAJko zinegotzi batzuk osoko bilkura utzi eta gehiengo ez zuela argudiatuta plenoa bertan behera utzi zuen Azkunak. «Gai deserosoak ez eztabaidatu nahi izatea» egotzi zioten PPk eta PSE-EEK. Hamabost egun barru osoko bilera berezia eskatuko dutela esan zuten.

Ezkerraldeko zazpi gazte aurkeztu dira Espainiako Auzitegi Nazionalean

Ezkerraldeko zazpi gazte Espainiako Auzitegi Nazionaleko epailearen aurrean aurkeztu ziren atzo. Alberto Bonilla, Alvaro Romero, Txema Perez, Jorge Uruñela, Endika Abad, Jon de Miguel eta Hector Franco dira gazteak. Ertzaintzak joan zen urrian saiatu zen gazte horiek atxilotzen. Guztiak aske geratu ziren, baina bik astelehenean itzuli beharko dute deklaratzera. Bestalde, Espainiako Poliziak herenegun Beasainen atxilotu Loizabaz Olano aske utzi zuten egun berean.

ERREFUXIATUAK

Kanporaketetan giza eskubideak bortxatu direla dio Mexikoko Giza Eskubideen Batzordeak

Erredakzioa | DONOSTIA

Mexikoko Giza Eskubideen Batzorde Nazionalak euskal errefuxiatuen kanporaketetan giza eskubideak urratzen direla aitortu du. Euskal Herriko Giza Eskubideen Behatokiak jakinarazi duenez, «lehen aldia da Mexikoko erakunde ofizial baten modu horretako aitortza egiten duela». Horren oinarria Euska Herriko Giza Eskubideen Behatokiak 2001ean Mexikora bidalitako txostena da. Behatokiak txosten hori Mexikoko Diputatuen Ganberako Kexa, Gestoria eta Informazio Batzordea helarazi zuen eta erakunde horrek Mexikoko Giza Eskubideen Batzorde Nazionalera. Batzorde horrek emaitzak Behatokiari itzuli zituen.

Mexikoko batzordeak dio sei kasutan urratu direla giza eskubideak, Mikel Izpurua, Josu Goztzon Larrea, Jose Angel Otxoa de Eribe, Mikel Arrieta, Leire Martinez eta Jagoba Codoren kanporaketetan, alegia.

Lehenengo lau kasuetan batzordeak dio euren atxilotetan eta migrazioaren prozesu administratiboetan «irregulartasunak» izan zirela eta, hortaz, «segurtasun juridikoa, legalitatea eta askatasun pertsonalen giza eskubideak urratu» zirela. Leire Martinez eta Jagoba Codoren kasuetan, berriz, batzordeak dio «irregulartasunak» izan zirela migrazioaren prozesu administratiboan eta, beraz, «legalitatea eta segurtasunaren giza eskubideak urratu» zirela.

Behatokiak bere txostenean dio 1995etik 24 euskal errefuxiatu kanporatu dituela Mexikok. Entregan bitartez Mexikok giza eskubideei dagokienez, bere legeria nahiz nazioartekoa urratzen duela salatu du Behatokiak. Gainera, dio kanporatutako 24 pertsonetatik 17k poliziaren eskuetan torturak jasan izana salatu zutela.

Denok batera
Por nuestros derechos:
Paz y libertad

MANIFESTAZIOA

gesto por la paz
Larunbata otsailaren 1a
Bilbao - Plza. Sagrado Corazón > 17:30etan